

晚

晴

移

詩

匯

晚晴移詩匯卷七十九目錄

錢維城 五首

夢麟 十六首

李友棠 四首

張若澄 二首

章愷 四首

宗室達麟圖 一首

汪憲 一首

宋弼 四首

何德新 四首

牛思凝 二首

顧奎光 十首

丁時顯 一首

馬濂 二首

王秉韜 二首

王站柱 五首

韓錫胙 二首

周昱 二首

廖景文 二首

朱琦 二首

楊永芳 三首

戴純 四首

李蟠樞 一首

張燿 三首

馮浩 二首

楊方立 三首

陳長鎮 五首

宗室平泰 一首

寅保 四首

靳榮藩 七首

賴晉 三首

朱仕琇 二首

陶金諧 九首

趙賢 二首

梅雲程 二首

王元常 一首

陳道 三首

晚晴詩匯卷七十九

徐世昌

錢維城字宗磐一字幼安號稼軒武進人乾隆乙丑一
甲一名進士授修撰官至刑部侍郎贈尙書諡文敏

有茶山集

詩話稼軒起家文學而練於政事奉使苗匪事未竟
以憂歸遂卒故飾終之典特優工畫山水秀骨天成
收入石渠寶笈甚夥同時被宸賞者與董文恪殆相
類頌詩爲畫名所掩然吐屬情雋皆非凡響洪北江
評其詩如名流入座意態自殊可稱
薦論弟竹初亦詩畫並工足相媲美

桃花嶺

陟巘疲千盤幽壑屢延佇遙見前山人招手可共語層峯
起趺下瑣碎不可數白雲滃其間倏忽若吞吐深秋無定
風容易作晴雨石窄滑不支礪深危敢俯螺旋已無徑蟻

附復可取人生苦局促撇捩羨鳥羽未盡三十程曦輪過
停午

雲漢

靈泉竇雲根飛灑自天半初如匹練下觸石遂零亂飄蕭
恍雨霰隱約冒落薛霧氣羃虛亭霏微著几案潭底無定
珠東西溼遙岸客游涼素裏屢欲衣裳換失口訝垂虹驚
風忽中斷雷霆乍砰擊琴筑復疎散誰噴冰雪懷高唱接
雲漢太白今則遙翹首再三歎

定遠山行見田間蓄水有法禾黍暢茂卽事述懷

山田上下如劃棋十步五步溝通池農家父子水爲命蓄
積升斗同金資節宣起閉重分寸兼察地勢分高卑自然
服習等卧起非有智巧誇神奇氣疎每至風雨好澤潤并

得癘札稀揚州厥土惟塗泥田實下下經所嗤溝渠未失
古遺意東南財賦天下推北方惰農亦鋤犁禾生滿野無
町畦關門枕肘間晴雨磬磬開口憑天時禹勤畎澮首充
冀誰其隳者不可稽遐哉衛李安所責荆吳亦豈當年基
屢煩明詔拯瘡痍亦有使者紛驅馳奉行豈必盡不善事
等創造驚愚黎中丞崔公紀昔分陝下令鑿井民猶咨于
今稍稍食舊德樂成圖始理則歧況今屯種踰安西輪臺
蒲海咸得治遂人猶舍職不講奚取百萬供軍資安得九
扈官農師赤墻白壤澤畢陂游談莫問是與非滄池汨汨
禾離離男耕女饁不敢嬉三錢斗米何足希

屬疾寄曹劍亭

微疴如小隱閉戶卽山林節序拋孤枕生涯賸苦吟霜中

羣木盡雨後一鐙深持此蕭閒味應符靜者心

雨後過平陽縣

雨過空翠滴風轉弱雲低一路杏花發滿山春鳥哢人家
斜崦口城郭夕陽西不信塵中得行行惜馬蹏

夢麟字文子號午塘蒙古旗人乾隆乙丑進士官至戶

部侍郎有大谷山堂集

張南山曰午塘先生詩五言則蕭寥澄曠七言多激
楚蒼涼方處春華之時已登秋實之境蓋得於天分
非人力所能與也

詩話午塘年僅三十一而歿其詩已足名家沈文瀾
稱其樂府胚胎漢人五言咀含選體七言馳驟豪盛
宗太自沈鬱頓挫宗少陵離奇瑰瑋宗昌黎近體亦
不落大厯以下語非溢美集中長歌贈陳生宗達詩
蓋自道其所得其云掀騰萬派湧真氣慨近奚必皆
尋常又云揮斥八極就繩墨法隨言立堂哉皇則不
啻自許其詩

車遥遥篇

車遥遥遙遙入煙霧馬不肯停車不肯住一解觸石折軸

車輪無聲白日欲落風吹馬鳴二解遠憶送者此時到家

君意已息我勞如何三解食瓜遇苦食梅遇酸采薇苦飢

負薪苦寒四解陟彼岵嶓我心如茶空林有聲恐非合塗

五解道逢游子將別恩恩出門入門殊與我同六解

短兵篇

長戈鬪決不如短兵急呼親戚不如友生彈我瑤瑟拂彼
綿絲音聲離離我當好之我心如環憂不可絕朝興夜眠
轉喉卷舌狐狸拜月卻略似人彼無其具吾何以親財溺
於淵見者歡喜我家固貧爾亦不起奴子盜金行步戰身
我原不知虛心畏人

涼甲石歌

褒公鄂公沙數恆昭陵玉馬嘶魚鐙咸陽鏖地古戈出當年白氣光如繩虬髯公子厲長劍驅除六合歸澄清吐蕃突厥置亭障受降遠樹輪臺旌盧龍螭螭靖邊塞裹甲東作元菟征營州都督尙嬰鏖提師夜跨東溟鯨戕舸大艣汎鳴綠滄海魚眼紅千層扶餘晝拔躡松漠樂浪圖籍歸咸京鮫皮犀甲帶蜃氣金鱗倒射漁陽頰歸休桃林放牛馬懸崖巨壁爭飛騰當風長嘯脫重鎧刀芒箭鏃生光晶東甘絕磴亘積鐵熊羆百尺蹲峻嶒綠沈金鎖漬蒼黝陰崖白晝蚩尤蒸高王瞬息遞淪喪雲煙過眼驅霜蠅東丹崇樓亦煨燼嗟汝頭骨胡獐獐礪角近資殼鯨肉敲光遠趁龍鍾僧朔風大作海日動血光疑帶蛟涎腥石壇叢沓

舞松漠百萬甲卒嘯飛燐石門十月灤河冰陵屯谷藉寒
光增西望潼關見落日鬱蔥無復瞻春陵塚起祁連葬白
骨雕戈大羽纏枯藤招魂不到巖下石森陰似有愁雲凝
纓縢綴組弗知處松毛石髮空崩髻毋乃夔魑奉神守斷
跌不許穿金縷我欲排天眺平壤霜高大漠聞呼鷹作歌
摩崖泣山鬼昏巖夜聽雷撼轟

甕山

谷口白煙合隔林聞打鐘樵蹤不可拾磴磴溼雲濃人立
一山雪鳥鳴千澗松僧房好閒坐不爲學降龍

冬日觀象臺

木落風高畫角哀霜濃野闊一登臺雲旗天轉桑乾出日
馭煙橫碣石開黑水遐封思禹蹟金方借箸失邊才漢家

養士恩如海誰伏青蒲請劍來

嚴飈吹雪滿西山原野蒼茫積素間
鉦鼓一軍勞輓粟風沙十月憶當關
重關日落銅符出大漠雲驅塞馬還
驃騎貳師俱寂寞短衣擬綴羽林班

晨赴香山道中作

入谷聞暗泉秋塘葦花亂露下石氣寒
木落前山見流煙忽明滅稍沒楓林半
驅馬憶前期溫涼幾回換

西堂秋夕

雲影度銀浦碧天橫數星幽人眷良夜
捉席暮山青荷動觸虛籟竹深流暗螢
遙思路西客翠袖倚風櫺

宏農秋懷

澹煙荒草足吾廬日隱孤城歎索居
紫閣夜深驚獨雁黃

河秋冷夢雙魚
邴生薄宦終成籜
宋玉微辭欲著書
擁被行吟意惆悵
西風颺鵲渺愁予

樓上秋光入望多
關山極目奈愁何
二年蓬跡餘孤劍
一夜霜風走大河
古堞暮笳悲落日
亂山飛葉激頽波
故園楊柳應蕭瑟
誰向章臺跋馬過

白溝

客念頗不適
晚風生夕波
長天隔秋浦
勞者意如何
此夜戍樓月
虛堂應共多
徘徊憐遠影
相憶一蹉跎

中元舊縣驛夜歌

長河在南斗
在北叢樹無人月
深黑破柵殘扉不滿百
夜昏漚酒家家哭
獨客聞之黯無色
欲見邱隴那可得
四年此節在異國
但見他人供酒食
孤兒何曾在親側
靈不見

我應歎息生不能歡祭遠適父母生我亦何益

去年南頓月之日白六來聞我母卒驚迴淚斷哭無聲仰
睇皇天白日失倉卒翻疑前月書書上平安誰所筆憐兒
或恐見心傷兒歸更繞何人膝瀕危知復欲云何未親舍
殮憑誰說歸來一慟兒今還呼天不應心如割朝來漿酒
陳應同楸梧肅肅生靈風五子羅立獨不見靈魂應到東
阿東

我妻嫁我十年半十日嘔飢九無飯苦憶嚴冬一破裳嫁
衣鬻盡供炊爨年餘飽煖抵幾何奄歛銷沈魂已斷肝摧
隱痛彌留時腸牽兒女淚被面流連知爾意無限到頭何
日重泉見月來數女知何如淒颼浙瀝吹裳裾朝攜祭榼
緣青蕪秋墳呼母母則無覓爺中夜聲嗚嗚

夜宿高橋

庭樹響忽振天涯知已秋檐端數螢沒檻外一星流雨氣
寒生枕鐘聲遠到樓鳴蛙莫喧聒征客未停騶

吳淞泛舟遂抵雲間

日上九峯道風輕三泖間流水澹無極白雲時出山緣念
浮家客高風不可攀支頤聽漁唱孤艇放歌還

李友棠字西華臨川人乾隆乙丑進士官至工部侍郎

辰陽關

叱馭入沅陵高下羅眾皴幽探厯荒林煙霏阻遐觀卓立
山骨開垣墉森傑構湍激石齒齒靈淵滴溜壑確逕愈
微僕痛愁馬仆輿丁引雙絙推挽翼左右雄關勢撐霄嶢
絕信天就自可太泥封那容方軌驟吳淞昔披猖伏莽餘

殘寇釜魚喘尙延檻獸困猶關開府九伐崇間道千金購
沿溪出奇兵遂使虜巢覆介然成康莊行旅來輻輳層坡
無曠土原田紛錯繡隔林聞吠厖飲谷見懸狖遺聞故老
傳承平百年後履茲周道直益歎戰功懋稅駕日將逋山
前有孤堠

由文德關過相見坡至華巖洞小憩

紉如街鼓猶頻敲荒雞山郭鳴嘐嘐倣裝西出臨遠郊煙
嵐冷霧霑征袍綫路漸逼甍甍巢幽壑俯見杉篁梢晨星
磊落高旻拋日出下界聞喧呶峯迴逕仄誠鬼摩誰遣五
丁開硤礫石崖中斷風颭颭當關一夫如虎虓仰攻坐廢
千衝輓何須百二誇函峒遐觀又怯岡巒窠三峯離立殊
顛顚遷喬入谷登降交向背起伏揚旂車騎歷歷無遁

滑僕夫竭蹶汗流散朝饗遙指前山坳道人行腳僧打包
我亦瓶鉢隨身捐齋廚野簞陳尊肴洞門呀豁噓笙匏揮
斥二酉凌三茅華嚴法界非虛設巖牖枯籐罽蟪蛄雪色
蝙蝠深壁抓暗窺但覺寒生髻試秉烈炬驚潛蛟石髓凝
滴形媼姣天花紛綴優曇包大千色相同影泡羊鬚有珠
充仙庖雲漿一吸超凡胞悔不深入中心慨此間結宇饒
芻茭烏犍百尾耕荒磽草堂肯使嶽隴嘲漫歌長句資謹
謔小胥爲記郵程鈔

荆門雜詠

憔悴江潭賦九歌楓林葉下洞庭波蛾眉自古傷謠詠獨
采秋蘭弔汨羅

蒼茫雲樹隔昭邱悵望秦川萬里游遷客依人懷抱惡不

堪回首仲宣樓

張若澄字鏡壑號蕭碧桐城人乾隆乙丑進士改庶吉

士授編修歷官內閣學士兼禮部侍郎銜

詩詔晴嵐閣學善畫山水花卉均入精品蕭碧亦擅其長裕陵命臨文衡山溪山深雪又寫秋林疊峙御題有句曰生香庭裏詩爲畫鍊雪齋中弟繼兄蕭碧有詩恭紀

恭和御製西湖絕句

高低芳草芊眠綠
罨畫溪山未放晴
夾岸碧桃濃蘸水
十分春色雨妝成

勝地天因駐蹕晴
湖光一抹鏡中明
風煙淡沲龍顏喜
颿影高懸畫槳輕

章愷字虞仲號北亭嘉善人乾隆乙丑進士改庶吉士授編修有北亭集

詩話北亭詩才清俊其集爲錢香樹馮孟亭所訂孟
亭序其詩謂清如秋風澄如止水香樹云詩筆峭拔
步趨唐賢窺見韋柳門戶詩外兼工
倚聲有蕉雨秋房杏花春雨樓詞

閏七月十五日夜泊滄州看月

鰲背西風蓬島客扁舟來看長蘆月海霞銷盡暮天高萬
里秋光鋪玉雪靜浪初驚瓊塔浦渾波亦作冰壺潔檣鐙
岸火兩微茫煙笛風謳共清絕我從抱病紅梨館屈指清
蟾幾圓缺三年江海未歸心今宵合共靈娥說白蕉兩袖
太淒冷綠蟻一樽相映熱夜深涼水浸船窗夢繞仙人白
銀闕

陳希馮居鄧尉六年復歸故里賦詩贈之

故人結廬青芝山芝雲千朵如商顏杉蘿深掩讀書屋洞
門鐵鎖無人攀我從君去亦遠適浩蕩天風鏘轡環長謠

空寄桂花崦短棹遠隔芙蓉灣豈知離合固有數我歸故里君亦還薰風解后忽一笑人生良會元非艱開編示我手注易薈萃眾說精刊刪虞翻三爻常恨少王勃一句終嫌慳見君著述重吾愧舊學日夕生榛菅相從且喜結此夏剩乞妙斲鐫堅頑

東塔寺

疏樹平橋帶小溪秋容古意兩淒迷壞幢老寺梁天監高壘荒碑漢會稽塔屋鐙寒青黯黯徑沙草輭碧萋萋前朝興廢無人語獨送殘陽過水西

雙龍洞

赤松行雨歸手控蒼蚪雙叱令守洞門騰攫氣未降蟠拏歲月久老腹餘空腔但聞風雷聲日夕相舂撞我來訪靈

蹟短策緣危在巖扉劃窅豁巨窟呀雙徑朗若百間屋氣
象開鴻龐靜覺眼界曠虛傳足音趁晴陽炯穿漏照耀東
南窗環以萬松杉翠影交旗幟涓涓雪色乳出竇成飛淙
散亂走澗谷清音玉琤琤我欲呼仙人據石傾一缸冷然
發長嘯聚吠驚村老天風蕩歸軒欲去猶踟躕殷勤洞中
水送我下桐江

宗室達麟圖字玉書一字義文滿洲鎮國勤敏公阿拜
四世孫乾隆乙丑進士改庶吉士授檢討官至宗人
府理事官

恭祝 聖母皇太后六旬萬壽詩

玉殿和風溽璇闥化日長二儀呈瑞應五岳兆嘉祥慈範
寰瀛仰鴻庥福祿康安貞膺慶豫尊養荷榮昌歲紀方周

甲南星正耀芒九霄增淑景元氣肇初陽珠樹千葩麗瓊
英六出颺消寒萱吐豔迎腊柳舒黃霞護青琳宇圖函金
鏡囊輪輝聯寶婺鐘律叶靈章醇德開軒昊隆文越夏商
一人承色笑百職效趨跄彩炫斑龍駕香浮黼黻裳翠旄
飄上苑睿藻煥巖廊致敬宸衷切怡顏聖孝彰欣看三秀
草咸進萬年觴寵錫逾瑤筍陳詩勝柏梁臣僚沾燕喜品
物共熙穰用合敷天盛爰爲鉅典光歌衢稱有道望闕頌
無疆支弋來琛賚梯航貢篚筐嵩呼和鳳吹華祝動鵷行
崑閩何須陟升恆自有常抒詞慚莫罄翹首頌如岡

汪憲字千波號魚亭錢塘人乾隆乙丑進士歷官刑部
員外郎有振綺堂稟

詩話魚亭富藏書子孫能世守之四庫館開以
善本進呈御製題詠仍俾寶藏歷數世勿替

伏日陪杭太史陳太僕諸公南華避暑分得山字

三十六鷗飛不還綠楊依舊倚潺湲名園避暑娛新節大雅扶輪借小山藉甚聲名元白在過從親故紀羣間倚樓未覺前塵幻乞得清涼羽扇閒

宋弼字仲良號蒙泉德州人乾隆乙丑進士改庶吉士

授編修歷官甘肅按察使

詩話蒙泉充續文獻通考纂修官梁文莊爲總裁時與往復辨證大考下等當休致文莊與諸總裁疏留越二年除鞏秦階道在官廉介屏絕供張擢提刑入覲道卒未竟其施盧雅雨纂山左詩鈔蒙泉助之蒐輯又成山左明詩鈔與雅雨書並行

陰雨連朝李生景蓮致酒因呈露園

秋雨濛濛數晨夕門外泥深行不得牆根草色上牆生溼雲不動炊煙直村中農夫荷鋤語朝來雨足當宜麥冥冥

三日卻爲霖太息我稼何由穡我時蹋壁空齋裏卧聞雨
聲心悽惻出門仰視絮成堆低頭但見水衣碧願揮長劍
斬乖龍更呼好風來西北一掃浮空萬里愁坐使秋陽照
阡陌不知此意竟何如彼蒼茫茫誰識測解愁送酒有侯
芭因醉題詩問李白

寶元調前輩

光緒

以張元禮

模

撰游盤山詩屬和

積石何齒齒百折趨層巔徑轉樵蹤斷峯危人語懸滄波
天外勾洵水寶中泉渺渺憑高意蒼茫謝客前

乞假東歸留別同人

天際微霜下雁聲紅茱黃菊總關情山形龍虎通雲氣客
子荆高有酒名五畝敢言歸卧穩諸公努力答時清西風
莫漫愁蕭瑟尺五城南日正明

揚州贈運使盧丈

海氣江聲望不分，維揚名勝古來聞。
天教杜牧爲游客，人說元龍似使君。
三世論交又白首，千秋大業附青雲。
二分明月先春色，官閣梅花酒正醺。

何德新字暉吉，開州人。乾隆乙丑進士，改庶吉士，授檢討。歷官永州知府，有雲臺山人詩選。

詩話：暉吉守甘肅，以乏軍興，遣戍準噶爾。平上聖武，平西賦復起守永州。值歲旱，躬歷諸縣勘災，散賑，賜疾遺卒弟德峻子泌孫應傑三世詞林論者謂食良吏之報詩音節高亮有北地信陽遺響。

秋日柳林湖感賦

四野煙嵐合，荒村傍日斜。
寒雲無宿樹，邊地少秋花。
檉柳低於膝，平湖但有沙。
況當正搖落，客思起悲笳。

漢口煙波灣

樓下江光接蔚藍殘陽衰柳昔毵毵晴川一望煙波起秋
雨秋風滿漢南

武勝

嶂外煙如織城頭石作屏水流原是雪山老不成青千里
乘驄馬頻年帶客星村墟太寥落春草亦飄零

舟泊赤嶼磯游東坡雪堂

絕壁危磯擁雪堂髯蘇憑弔意蒼茫座中風月無今古檻
外山河閱霸王漢事可能通宛洛吳人終竟失荆襄一時
瑜亮歸何處江草江花送夕陽

牛思凝字方巖靜海人乾隆乙丑進士歷官大定知府
有謙受堂詩草

者那山行

暮起炊煙一縷斜萬重深樹有人家崎嶇撥草尋荒徑踏
徧山山黃玉花

昭通道中

三年踏徧夜郎溪又向滇南聽曉雞秋水乍漂紅葉冷寒
山自繞白雲低人逢曠野初開眼馬到平沙欲放蹏萬里
飄蓬燕市客故鄉風景動淒迷

顧奎光字星五號雙溪無錫人乾隆乙丑進士官瀘溪
知縣有雙溪詩集

詩話雙溪著有然疑錄春秋隨筆採入四庫全書唐
鏡海所輯學案謂其所論多能得筆削之旨陳榕門
嘗曰顧瀘溪今之元道州年十八高章之舉應博學
鴻詞科辭不就其集前有南坡陶揮五序謂其詩清
遠無凡語五言高於
七言古體勝於近體

自山前步入草庵

山外多蘭若無從避俗喧誰知翠微裏別有桃花源細石
叢峯徑長松隱寺垣緣陰秋意好吾欲卧雲根

鳳灘

楚江多危灘急澗束巖嶠水流本不競有激怒而作風聲
增颼颼雪點飛噴薄篙工用力齊勇進竟前卻當時五溪
地神禹遺疏淪胡然勞後人小智事鉅鑿吳儂便舟楫習
險無驚愕須臾卽安瀾徙倚拾蘅若

雨中泊朱紅溪

白雨冒千山清泉散萬壑雲嵐互冥濛雷電輒間作衿衣
生微寒蓬窗坐蕭邈書卷陳古今抗心良有託物役誰能
辭塵纓由自縛繞林姑惡鳴側岸藤花落

六月朔得諤齋弟書

聞道慈闈健平安得汝書別來兒女大深憶弟兄孤邊徼
猶羈宦家山未定居今宵歸夢好暫遣旅愁除
羈祿成濡滯離家有歲年每聽連夜雨更憶對牀眠任性
難諧俗謀身拙信天甯知折腰後種秫尙無田

舟行雜詠

山中多赤楊江上多丹楓愛其搖落晚秋盡猶青蔥豈係
雨露偏正恃堅貞功處瘠苦外癰閼塞乃內充所以延年
者常栖巖壑中

勿言水懦弱在險能用壯盤迴萬重山不制三尺浪混混
循崖行約束戒奔放屈曲必如意性本無背向觸石石忽
怒受怒不受障一過波瀾平柔克貴善讓我行歷諸灘順
逆固殊狀曾讀老氏書觀物知所尙

蕭蕭風氣寒冷冷露華白清輝升東南知是故園月三年
隔庭闕遠道消息闕誰云求斗筭足以慰明發

乾坤有旦氣得之在清曉居家恆耽眠行役起我早水煙
栖汀蘋霞光散林鳥寸心適澄然凝思會塵表

孤帆水驛遙荒村風景暮中夜萬感集況乃聽風雨自顧
樗散材本闕經世務勞勞營斗米僕僕競長路未能立脩
名仍隨俗所驚懷抱向誰傾古人鑒情愫

丁時顯字名揚號鵬搏天津人乾隆乙丑進士有青蜺

居士集

詩話鵬搏少負雋才嘗有句云青帘楊柳市黃蜨菜
花天以是得名人號爲丁黃蜨得第後以未入詞林
悵悵遽卒於都門

送長蘆都轉倪象愷先生歸田

共沐恩波數載中忍看此日去恩恩銅魚洲靜萍花合金
鳳山高栗葉紅應有素琴調夜月時聞元鶴下秋空南山
依舊東籬外重對秋陰菊數叢

馬濂字牧儕桐城人乾隆丁卯舉人官內閣中書有短
檠齋詩鈔

詩話牧儕博學多聞與姚惜抱善詩清
超拔俗惜其年不永未能盡其才耳

左一青仲孚姚姬傳見過夜話用歐陽永叔與梅聖

俞會飲詩韻

荒徑扶疎夏木長閉門寂寞思清談剝啄忽聞故人至一
室斗大容二三篝鎧促席無賓主不覺夜雨飄廉纖憶昨
分張滯京國尺書千里開雲緘笑我征人塵土堞豈如高
詠雲霞酣於今會合在鄉縣豪俊況復數子兼一青掉舌

肆奇偉談天上欲窮鉤鈐姬傳嗜古不尼古菁英榛莽從
夷芟仲孚深沈守元默往往雄辯當之慙惟余因循不樹
立十年潦倒空青衫諸君鏗鏘廊廟器和聲努力追韶咸
人生有志豈無用扶搖彈指看圖南

姬傳連日過訪因贈

城北有姚子英妙世無雙神龍與鷺鳥見者心皆降胸中
磊落五車書筆下馳騁千軍陣南宮兩度風塵走輦轂一
朝名譽震獻策徒誇賈誼才請纓未識終軍雋憶偕計吏
觸炎威扁舟一葉來京畿江南梅雨浣征裘燕北秋風吹
客衣我緣暝食冒寒暑短榻茶煙羈逆旅君素羸疾獨不
然私衷爲慶黃鵠舉豈知零落送將歸斷蓬荒梗相因依
易水蕭蕭欲黃落鑒江漠漠嗟雪罪載蹶霜蹏返故樾竹

屋紙窗鐙火寂子雲治產空十金相如授徒惟四壁月夕
花晨常杜門牙籤玉軸不窺園平生落落交遊寡有時就
我開芳尊昨朝冒雨過茅舍桐陰竹露含清夏論詩笛簟
納涼颺聯詠疎簾忘暑夜酒半自言未讀書何當屏跡十
年居循陔采蘭潔羞膳不需侍從承明廬我聞斯言當三
篋君真度越恆流百風雨一編朝暮吟猶慚學古無開益
富貴功名直等閒箸書自昔藏名山他年若共白雲侶秋
桂春蘿掩舊關

王秉韜字含谿漢軍旗人乾隆丁卯舉人官至河東河
道總督有含谿詩草

山居

果是山居好橫斜半向陽小橋垂片石新屋競高牆隴畔

泉通水耕餘竹作倉稻梁行處茂終歲任相羊

宿松歸

鳥雀棲煙樹牛羊下夕原危峯疑阻路曲徑又通村雨意
連山暗蟲思徹夜喧數程已不遠十度月黃昏

王站柱字曉蒼號桂舟漢軍旗人乾隆丁卯舉人歷官
四川布政使有桂舟游草

太白樓

白也騎鯨去名存一酒樓昔飛鸚鵡盍今詠鸛鷀裴洸水
猶涵碧空山又送秋憑欄無限意目極古神州

無鹽城

在東平州齊宣后之故邑

浪傳東郭聘盈盈好色君王亦矯情宮女如花春殿杳至
今猶說宿瘤城

讀書臺

東阿縣北魚山上
魏曹植讀書處

水繞吾山山繞臺留舒羊茂共徘徊應劉遮莫誇同調終
遜安鄉八斗才

寒亭問竹

春光蕩漾馬蹏驕小住非緣地主招我別此君纔半月歲
餘元旦又三朝交柯恰似蕭郎寫饒口還思玉板燒片刻
相親聊免俗留連無復問寒橋

游靈巖

路穿詰屈馬凌兢白塔相招最上層十里松風聞地籟半
崖花雨溼衣稜初嘗甘露泉邊水獨對方山寺裏僧坐久
渾忘身是客孤煙落日促行旌

韓錫胙字介圭號湘巖青田人乾隆丁卯舉人歷官松

江知府有滑疑集

陶祠

層疊山難畫，淵明卻賦歸。興因新秫酒，家有舊柴扉。祠瓦
藤穿漏，碑書斧礪稀。滔滔江水闊，誰覺折腰非。

歸青田

故鄉夜夜夢魂飛，今聽鄉音果是歸。順水輕橈行尙緩，當
門小樹看成圍。田園蕪廢慙元亮，親舊都來訪令威。指點
趨庭讀書處，不堪翦燭對麻衣。

周昱字青原，號依堂。錢塘人。乾隆丁卯舉人。官銅梁知
縣。有正彝堂集。

登襄陽郡樓

莽莽荆襄割據州，夕陽西下獨登樓。峴山曉翠當窗入，漢

水寒潮抱郭，流放眼關河。紛故壘驚心，風物逼新秋。杜康臺在煙雲裏，一醉江頭狎白鷗。

雨次樂鄉關

萬壑排雲出，孤村抱郭幽。雨深斑竹嶺，風急白蘋洲。灘響夜方壯，螢光溼不流。鄉關應最樂，無那旅中游。

廖景文字琴學號檀園，青浦人。乾隆丁卯舉人，官合肥知縣，有古檀平梁歸雁倚杖聽吟諸集。

渡泖登塔

古塔淩波立，煙村萬綠分。鐸聲寒似雨，帆影淡於雲。景埒金山寺，仙懷玉笥君。秦城渺何在，漁唱倚闌聞。

登橫雲風滿樓

飛泉曲磴樹蒼蒼，何處平原舊草堂。獨倚危欄望秋色，半

巖黃葉下斜陽

朱琦字景韓歷城人乾隆丁卯舉人官彭縣知縣有倚

華樓集

河津寺歌

盤陀高不極碧水環其根其上有古寺其陽爲寺門松檜
晝陰龍象闕藤蘿歲久浮圖昏老僧四五輩見客如驚麕
孤煙出香積破衲縫秋雲山長水遠何寥廓况復邊秋木
黃落鐘梵空餘出世音風塵誰展匡時略宦海飄飄一葉
身東西南北久迷津出門上馬欲有問寺裏山僧應笑人
途次口占

夢想煙霞計未成塵中車馬尙孤征長隄渺渺迷風色小
市荒荒雜樹聲雞肋暫嘗知世味鷺籠善幻見人情雲山

一望青無數何日長鑕采藥行

楊永芳字慕如號夢舫昆明人乾隆丁卯舉人官麻城知縣

送李翼茲進士出塞省親

征驂北望氣蕭森塞草茫茫此獨尋小驥養成初識路慈烏嘯處尙無林玉關屢入孤臣夢沙磧先馳孝子心感得路人稱歎曰黑河秋雨淚痕深

虎渡口

開府南荆據上游六朝如夢水空流惟餘一片龍山影半入江樓半枕樓

夕陽亭

衣冠緇塵鬢染霜更無心事話興亡夕陽亭下一杯酒洛

水無聲秋夢長

戴純字蓴浦丹徒人乾隆丁卯舉人官鳴鶴場鹽大使

有春萍集

詩話蓴浦捷京兆受知於諸城劉文正公十上春官不第謁選得官癸卯丙午分枝浙闈後以縣令乞改
縣曹翁覃溪題其詩集云身健名山肯著書酒酣風
氣廿年初南徐北固橫江夜如此瀟瀟暮雨餘倚劍
高歌行路難太行山色照長安撥
絃縱有傾城手幾个知音可對彈

古短歌行

土牛不受鞭木馬抱空質歲月忽我邁淒然向落日東南
多逝水終古入淮流馮夷與河伯浩蕩赴春愁春愁載遠
道靡靡催客老傷彼蕙蘭花不及原上草飢鳥半夜號春
雨暮淒淒迷離一夢醒踟躕兩眉低鐙花易零落秋衫怯
漸薄寒鳥聲啁啾四顧成蕭索蕭索益悲哀展駕復遲迴

孤蓬與斷梗飄泊委塵埃孤斟酌霜月回首成芒忽眼底
歲崢嶸又復懷明發煌煌東方星陽氣破杳冥何當乘金
虎駕言翔紫庭

香光寺姚廣孝廢園醉歌

西風吹山山不改健鶻矯翻凌煙彩古道蒼茫踏葉行晴
沙漠漠田每每道旁蕭寺金碧輝手執馬箠叩僧扉沙彌
煎茶成小憩秋陽昭灼牛羊歸回廊歷盡散殘步後圃荒
蕪足雲樹亭基苔滿曲沼封松耶石耶尙森布大師學道
辭室家縱橫才氣滿袈裟靖難功成衣賜紫幾曾性僻耽
煙霞此地園林幾時創此夜魂游有梵放僧伽不住女嬃
嘯英雄事業俱魔障我來攜酒挂馬鞍探囊餽核還盈盤
据石留連盡杯酌亦旣醉矣瓶罍乾仰天大笑出門去山

外斜陽紅幾處寒水流淅淅不回從古幾人羈日馭回首
層巒指上方千秋龍象護雲堂山僧不解古今事笑殺狂
夫醉更狂

太原覽古

表裏山河三晉疆古今無恙控西方衣冠競說唐虞盛爭
戰從知趙魏強石嶺關橫雲輟黷籌邊樓迴夜蒼涼昇平
人自忘形勝披拂春風蔓草芳

莽莽遙天參井分東來佳氣自氤氲堪憐昔日曾衷甲卻
喜清時正右文望裏關山通輦洛意中人物重河汾五原
四塞成都會游覽還期證所聞

李蟠樞字禱園江南山陽人乾隆丁卯舉人官涇縣教

諭有水西詩鈔

詩話：荷圖嘗錄先世五代遺什，其子元庚益以荷圖詩並附己作爲山陽李氏七葉詩存。潘四農魯通甫爲之序，跋皆稱其文章風雅綿延不墜爲難能也。

賞溪秋望

水落灘逾險，秋風動遠思。青山千里夢，紅葉一林詩。剝古穿雲沒，帆輕出谷遲。賞溪歸路迴，何以慰心期。

張燊字曦亮，號南漪仁和人。乾隆丁卯舉人，庚午舉經

學有南漪遺集

詩話：南漪博極羣書，於史學尤爲專長。晚年壹意治經，乾隆十五年詔舉明經之士，公卿交上其名，徵詣京師會待詔之期。在明年南漪以故人之招，乃游金谿舟至三衢，暴病返棹，抵家五日卒。遺集四卷，詩僅六十首。

夏日慈竹軒待雨

故人爲我開三徑，一日經過定幾回。晚雨欲催斜照斂，好

風時送片雲來階前淨綠連芳樹竹外微涼沁酒杯晴罷
不須愁溽暑冷吟閒醉且徘徊

輓鄭筠谷先生

年來耆舊凋亡盡邈若山河感昔游早識先生曾奉手還
教賤子許同舟風流宏長誰能繼文詠追陪自此休廿載
謝公門下客獨垂哀淚過西州

朵殿簪毫著作新翩然歸釣兩湖濱病餘應識閒居樂官
罷惟留現在身經業隱修堪自老禮堂寫定付何人卻思
當日承音旨檢點遺書一愴神

馮浩字養吾號孟亭桐鄉人乾隆戊辰進士改庶吉士
授編修歷官御史有孟亭詩集

詩話孟亭以乾隆元年丙辰舉於鄉迨六十年乙卯
預行丙辰恩科重赴鹿鳴宴卒年八十有三著述甚

富箋注李義
山詩文行世

游青山莊

層層麥浪湧春田
小徑縈紆謝墅前
夾岸通橋平似掌
沿隄累石亞於肩
林藏巖洞深逾秀
花帶煙雲澹倍嬌
最愛流波渺無際
遙汀微露釣魚船

秋草

風欺露壓夕陽烘
極目平蕪遠道中
袍色舊來人白髮
燒痕新處樹丹楓
賓鴻影澹還辭北
天馬蹏輕早向東
莫爲登臨動惆悵
每緣蕭瑟蘊青葱

楊方立字念中一字中甫號白存瑞金人乾隆戊辰進士
改庶吉士授編修有默堂詩集

後東皋草堂歌爲陳學山賦

蒹葭江水西風急木葉翻紅秋露白十幅蒲帆挂斷煙元
亭一叩揚雄宅主人愛客啟柴關執手褰衣出笑顏中饋
爲開春甕酒長筵遙展夕陽山山前山後浮雲渡聚散微
茫不知處停杯忽與話當年詞未能終淚先注昔日清明
憶太邱修文砥行先民傳名山偃卧高託跡長松百尺風
颭颭點綴邱園發幽趣太湖白石龍門樹書卷高閒柳谷
居煙霞罨畫活溪路三秋明月三春花窈窕笙歌出絳紗
高山大有攜琴客曲徑時迴問字車詩瓢酒盞朝還暮青
山止愛高人住潯陽江上檄書來一官抵死催人去去年
苦調計相思猶復丁甯話故枝彭澤菊花憐尙在遼陽白
鶴竟何歸驚颭蕩海洪濤起丹山羽折瓊華萎蛇年雞夢
兆紛紜悼痛人琴俱已矣流風陳跡剩池臺蟋蟀寒吟四

壁哀舊種杏花餘太息當時燕子尙飛來我昔髫年侍文
讌作歌得許窺壇坫已羨登龍揖孔融猶煩倒屣迎王粲
而今憔悴返江鄉千里紅塵老劍霜重到山陽尋舊夢徒
瞻畫相拜中郎主人收淚重翦燭勸我長歌須再續含毫
攤紙望蒼茫一片秋聲響空谷東臬葉落雨霏微蒿蔚風
中孝子悲長箋題向庭前樹伴爾慈烏夜夜唳

雨夜感懷

霜林葉落夜闌珊濁酒孤檠慘不歡好友去如歸雁急客
情慵比暮鐘殘朔風吹馬思前路時將之細雨欺人作小
寒二十五弦餘舊曲傷心何處許悲彈代州

渡吳城寄懷盛水賓昆季

蕭蕭落葉點孤舟彭蠡風濤日夜秋細雨欲催雙槳去孤

雲遙寄一江愁虞翻憔悴餘奇骨蘇季飄零有敝裘傳語
劍山堂上客海鷗吾已託悠悠

陳長鎮字宗五號延溪武陵人雍正初薦舉孝廉方正
乾隆丙辰舉博學鴻詞戊辰進士改庶吉士有白雲

山房集

詩話延溪好學篤行舉孝廉方正辭不就舉博學鴻
詞就試報罷平郡王墓其名延入邸深敬禮之又十
餘年始通籍歸途問母喪大慟嘔血數升未幾卒詩
始墓昌谷繼乃自韓入杜沈鬱深厚才思溢發不名
家一

英德峽

一名滇陽峽
一名高石山

昨日監豪瀧今日滇陽峽鮫宮一綫開象齒千行插山根
筋骨豎水寨旗鎗挾河走崑崙脊劍拔茱萸匣撩倒雲氣
慘威遲林影狹蛟螭鎖寒井虎兕閉幽柙地膚贅懸疣天

車擁大翼野猿嘯長夜飛隼凝高硤險疑巨靈壁陰畏山
鬼指白乳鷓鴣膏碧蘚蟻蟻甲浮煙帶海腥微卯愁山壓
蹉跎擬歸休涼風吹白袷

歸猿洞

夕陽繞山背荒徑明虹霓入洞寒煙積彷彿聞猿嘯幽谷
若有人峽雨暗已西一體倏變化人物理固齊梧葉冷秋
風零落蕙草萋馨香當歲暮尋芳意已迷防身鑄吳鉤須
時斬鯨鯢不遇白袁公寒光委塵泥卻思賦茅者渺渺白
雲低

燃犀亭

過江一無事獨上燃犀亭野水意中綠閒雲人外青山深
游魍魎木落見精靈欲問升沈理寒光照翠屏

重過少孤山

淩波依約赤城標一柱重過客思遙天外狂瀾如昔倒鏡
中青黛爲誰嬌關山扼險雲陰度殿閣盤空日影搖記得
文成征戰地夕陽孤岸草蕭蕭

湘江

湘江南上水如煙不盡離情薄暮天嶽色千重萬重雨隨
風吹落洞庭船

宗室平泰字朗軒饒餘敏親王阿巴泰五世孫乾隆戊
辰進士改庶吉士宗人府理事官

平定金川功成恭紀

駿業包三極光靈被八垠膚公成薄伐聖主得賢臣制敵
無增壘征頑不浹旬元戎初錫命小醜遂歸身聚處憐焦

蝨深藏笑狡，窺猿娛矜搏。箭螳怒敢當，輪健翮資抨。擊奔
雷，懾瞶囂請行。煩宰輔，報國矢忠純。峒箐踰懸阻，貔貅樂
拊循。分明軍令肅，踴躍士心振。拔本方除惡，先聲已奪人。
搏巢乘勢便，攻塞破堅頻。有赫天威遠，惟幾睿算神。迎鋒
全解竹，畀火待然薪。於鑠吾皇烈，眞符大造仁。止戈文乃
武，育物世如春。獻捷期何速，酬庸賞遞臻。去時冰載路，來
日柳迷津。從此兵常偃，行看俗更淳。四隅懷震疊，萬類荷
陶甄。倅色瞻星緯，攄忱拱玉宸。驗風咸受吏，占海盡徠賓。
絡繹豐穰慶，駢闐福祐申。頌揚須雅奏，折簡愧敷陳。

寅保字虎侯號芝圃漢軍旗人乾隆戊辰進士改庶吉
士授編修有秀鍾堂詩集

盤山漫興

盤中到處六朝松
天矯離奇翠蓋濃
只恐夜闌風雨疾
破空飛處盡成龍

渡揚子江

望中浮玉勢崔嵬
得對名山第七回
風伯多情解相送
峭帆一瞥翦江來

半截塔

迴阿叢棘裏
指點舊浮圖
初地昔巍煥
荒基今有無
危巢時噪雀
深穴定藏狐
週匝餘何物
螭蟠樹幾株

立春日作

嫋嫋青旛拂畫欄
條風有信散嚴寒
年華不洽簪新勝
面目惟須整舊冠
鳳閣記曾書帖子
虎林誰爲薦辛盤
陽回兩浙東西岸
滿眼恩波海樣寬

靳榮藩字价人號鎮圍黎城人乾隆戊辰進士應宮大

名知府有綠溪詩詠史偶稟

詩話价人注吳梅村詩世稱詳核其所自作亦與之相近但不逮其華瞻耳

聖泉寺歌

聖泉古寺煙波裏規矩雙亭凌空起怪石哈呀吐幻雲游
魚撥刺躍清水憶昔巴渝太守賢佐以司馬滄州李公餘
飛蓋時來遊指點亭臺賦燕喜太守遷擢感滄桑司馬青
衫欲斷腸荷葉田田留敗葦雕欄曲曲賸方塘矩亭零落
規亭改空餘佛刹尙爽塏載酒賓從舊已非種桃道士竟
誰在我來信宿向寺中兼葭蒼蒼萬事空君不見池上生
祠今非昔已寫漢前將軍額

金蓮花歌

龍門邊外緣陂陀芙蓉菡萏交枝柯妍如重臺滴早露潔
如百子凌清波脆如並頭曉日映正如千葉春風和卻看
黃中通理吉纔知不是尋常荷憶昔金源紹耶律行宮帳
殿俱嵯峨肇錫嘉名曷里改金枝玉葉原非訛蓮曲新翻
白羽起蓮杯旣醉朱顏酡遂令此花得所遇史臣載筆爲
編摩五百年來岸谷異祇隨塞草綠山阿退之無繇詠玉
井子安不復謠黃螺夙聞五臺此花盛裕之游賞曾吟哦
曷爲塞垣竟寂寞春風秋雨長蹉跎詎比爲鎧送子直奚
知作燭隨東坡名花如舊世代遠田父樵子相詆訶我謂
賞花紀史冊已留名字輝義娥汗青緗綠自可貴紛紛賦
頌何足多願以此詩爲花慰見者應復來游歌名花聞之
似解語風前搖曳常娑娑

池上一首呈顧東巖

雨後水苔生與岸同一綠
柳絲覆其上翠影繁以繹
池中水蒹花下有羣鳧浴
雅不與魚爭各隨性所欲
是時偕我友共坐論心曲
濠梁豈在遠妙理斯亦足
天趣日日新古誼以相勗

詠史

大凌河水接雄關
嗚笑相逢並馬還
李廣何庸重對簿
天留陷阱待清班

熊廷弼

中原已見黍油油
尺土東南勢莫留
君管煙花臣水火
枉教開府向揚州

史可法

南國煙花勢已銷
鼓聲又雜浙江潮
孤臣不采西山蕨
肯負生徒待柳橋

劉宗周

薰廟臣工只兩途忤璫取禍附璫污華亭避世朝班裏秋
水閒鷗半有無

董其昌

賴晉字錫蕃一字畫人廣昌人乾隆戊辰進士官太倉
知州有畫亭初稟

游青原山

飛入中州海外山青原橫列翠微間地靈疏淪三溪水天
老鉗錘七祖關夢寐人家灰劫盡菩提樹種土花斑幾年
夜雨殘僧席挫折秋風古佛顏

落星橋

輕風直掃五開蠻烈火嘶風獨往還笑聽金雞鳴戰壘年
年水咽大幽山

仙都觀

是否麻姑跡眞仙未可逢虛無傳七夕突兀老諸峯塵網
蟪蛄密苔痕玉軸封歲寒孤映日獨倚大夫松

朱仕琇字斐瞻建甯人乾隆戊辰進士改庶吉士官夏
津知縣有梅崖詩偶存

詩話裴瞻學宗宋五子治古文辭其論詩有云必沈
酣詩騷耑熟文選屬思於有無之際著筆於遠近之
間發興蒼茫閒倪廖廓無意而合自然而成可謂探
源之論惟謂儼人挑士率能爲詩不如古文之傳皆
正人君子則有爲而
發言之不無過當也

雜詩

採藥採參苓種花種桃李參苓令人壽桃李夏陰美監門
能解圍餓夫堪救死古來慷慨人往往出下士厚貌仰姬
公絕交廣劉子二端孰爲正偏辭竟難恃卓哉趙孟言勸
君鋤棘枳

宿瑞洪湖

潞水隨天盡扁舟入草迷往來爭此宿鷗鷺似相知故國
辨江樹前游惜暮曦昔人嗟老至澤畔易成悲

陶金諧字揮五號適齋南城人乾隆戊辰進士官江華
知縣有適齋詩藁

詩話適齋宰潞江華皆有惠政兩縣民爲立生祠
奉諱歸遂不復出當時不以詩名而其所作精深隱
秀不墮曰科近體
尤多佳句可摘

寄伯兄

馬磨文休已足悲兼聞卧病歎化離愁多各值花開日夢
遠平分月墮時瘴地一官憐索莫驥心千里暫棲遲臨淮
壁壘須重振莫道齊師鼓再衰

五架三間廳有廬蕭條城市似村墟鹿盧空自裝長劍宛

委何曾讀異書公事有程知網密人心難料豈交疎平生
湖海元龍氣報道年來漸破除

通道途中

曲折穿山翠多從夢裏經新荷明宿露疎柳帶殘星野寺
鐘初散漁家戶尙扁巘巘何敢憚心折短長亭

舒生鸚自澈浦來謁詩以贈之并示書院諸生

巉巖山色束清流拄笏曾爲十載游老去心仍思趙將別
來時復憶并州柳塘柳樹成陰未桃谷桃花得氣不把酒
對君談往事關河千里結離愁

游桃源

春水桃花色秋山薜荔鮮下與世人隔偶爲漁父傳借問
司馬家何如祖龍年柴桑清節在高風孰可褰寺外樹豐

碑刻舟勞篆鏤安得挽溪流盡洗徐凝篇天風吹蘅芷江
日照潺湲乘船各歸去回首心茫然

再憩靈鷲庵

下界煙初暝上方鐘未歇野寺無經聲月色在林樾少住
便有情悲愉緣愛結三宿記枯桑扶筇待明發

六月得顧立方書

已辦休官計如今真是歸惟憐敬姜淚不見老萊衣蘭若
愁聽雨松門空掩扉月明華表鶴尙繞白雲飛

自長沙至辰州江行絕句

八月潮平大澤寬扁舟橫渡靜波瀾江空人在煙中語天
遠山從畫本看

天橫鵬鶚秋風健峽鬪鼉鼉暮雨腥卻聽鄰舟吹鐵笛武

陵哀怨此重經

趙賢字端人號淺山錢塘人乾隆戊辰進士官永順知縣有淺山堂集

秋日寓居感懷

如練秋河欲二更松牀蒲薦一燈明瓦溝得月添霜色庭樹留風作雨聲意馬有程馳恨枕酒兵無力破愁城段家橋下西湖路何日歸尋鷗鷺盟

早歲梳翎慕碧霄到今回首路迢迢怪人好作儀同面顧我偏羞彭澤腰秋蟀春鷗人鬢改蘆簾土銼客魂消可憐羽翼摧殘後一片傷心逐暮潮

梅雲程字騰遠號怡園南城人乾隆戊辰進士官知縣有怡園詩集

九日

茱萸手把自殷勤，珍重遙緘奉老親。
薄祿虛慚三釜養，清風不厭一囊貧。
夢隨故國雲山遠，感逐天涯節序新。
料得高堂酣宴後，也應扶杖望羈人。

官舍蕭蕭似野村，又逢佳節倒清尊。
芙蓉開謝秋心在，苜蓿蒼涼宦味存。
腕下難成風雨句，鬢邊易染雪霜痕。
逡巡懶著登高屐，對坐南山翠擁門。

王元常字南圃，長安人。乾隆戊辰進士，官武清知縣。有西園辨香集。

武邑署中偶作舫屋詩以落之

屋也舟耶結此廬，得閒小憩在公餘。
志存作楫安天下，心擬乘槎入太虛。
對雪欲移王子棹，焚香靜玩米家書。
亭軒

小築聊成趣浮宅何妨且暫居

陳道字紹洙號凝齋江西新城人乾隆戊辰進士歸班
知縣有凝齋遺集

出都

歲晏寒雲重驅車去金臺臺畔多烈風紛紛起塵埃留滯
亦云久去住復徘徊徘徊戀帝里宮觀何崇起顧非大厦
材壯心能不已載歌南陔曲娉修望前軌

過大關

連山如水湧起伏皺波紋窄徑穿林薄微光照夕曛荒村
茅店古石澗細流分風景故鄉近遙遙南嶺雲

舟行阻風寄示大兒

歸去無多日胡爲又遠行我生渾不解爾輩自能明夜雨

添春漲江風卜早晴迢迢京國望所寶是身名

晚晴簃詩匯卷七十九終